

佛光大藏經

般若藏・宗論部

三外
論二
玄義部



佛光山宗務委員會印行

佛光大藏經

般若藏

· 宗論部

三論玄義
外二部

佛光山宗務委員會印行

佛光大藏經

般若藏・宗論部

三論玄義
外二部

☐監

修 ☐星雲大師

☐主 編 ☐佛光大藏經編修委員會

一九九七年五月初版

有版權・請勿翻印

☐發行

者 ☐佛光山宗務委員會

☐發行人

☐慈惠（張優理）

☐出版者

☐佛光出版社

高雄縣大樹鄉佛光山

☎（〇七）六五六四〇三八／九

☐流通處

☐佛光山寺

高雄縣大樹鄉佛光山

☎（〇七）六五六一九二一／八

佛光書局

高雄市前金區賢中街二十七號

☎（〇七）二七二八六四九

臺北市忠孝西路一段七十二號九樓之十四

☎（〇二）三一四四六五九

臺北市汀州路三段一八八號二樓

☎（〇二）三六五一八二六

☐裝訂者

☐精益裝訂股份有限公司

☐法律顧問

☐蘇盈貴律師

☐郵政劃撥第

〇〇四五六二五—五號

☐行政院新聞局出版事業登記證局版台業字第一五二四號

☐如有缺頁或裝訂錯誤，請寄回本社更換

《佛光大藏經》編修緣起

夫佛法者，自內容教義觀之，固有其根本上不變之價值；然若於研究信解論之，則應有契合時代之方法與權巧，方能古今融會貫通也。

基於此一原因，吾人期盼此願望之實現，故於民國五十六年（一九六七年）佛光山開山以來，即未嘗一日稍怠，朝此目標邁進。其中《佛光大藏經》之編印付梓，乃在此機緣下誕生於世矣。

我如來一代時教，自漢時東來中土，歷朝大德，譯著典籍，代有所出。宋元明清各版藏經之蒐集編印，既保存聖言經教，亦提供為學者研究與發揚之據也。然各版所刊，未將三藏分段標點，致令今人望經興嘆，既感佛典深奧，非初學之所能解，且編排古板，雖信學有心，奈苦鑽而莫能入。佛光山諸有志者，有鑒於此，乃於民國六十六年（一九七七年）成立「佛光大藏經編修委員會」，以星雲主其事，集學者數十人，經年累月，採各版藏經，冀望作文字之校

勘、全經之考訂，以及經文之分段、逐句之標點，甚而名相之釋義、經題之解說，並有經後之索引、諸家之專文，吾人本懷，乃期編纂一部現代人人能讀，讀而易解，解而能信，信而易行之佛教聖典，唯其如此，方能助長佛法之延續與流傳也。

《佛光大藏經》之編纂新修，擬分以下類別：

- | | | | |
|----------|----------|----------|----------|
| (1) 阿含藏 | (2) 般若藏 | (3) 禪藏 | (4) 淨土藏 |
| (5) 法華藏 | (6) 華嚴藏 | (7) 唯識藏 | (8) 秘密藏 |
| (9) 小乘藏 | (10) 律藏 | (11) 本緣藏 | (12) 史傳藏 |
| (13) 圖像藏 | (14) 儀誌藏 | (15) 文藝藏 | (16) 雜藏 |

自清代集《龍藏》三百餘年來，今有此修藏之舉，星雲等不自量力，為我中華文化，續佛慧命，點無盡之燈，開般若之華，讓佛光普照寰宇，使法水長流九州。今以愚誠，祈各方大德襄之、教之！不勝馨香企盼之至！

佛曆二五二七年（一九八三年）八月 星雲序於佛光山

凡 例

一．《般若藏》係參考各版藏經及近代著述，收錄般若及三論宗典籍之菁華，依次分為「經部」、「注疏部」、「宗論部」、「著述部」，加以標點斷句，並重新編排。

二．本會重新編整之《三論玄義》、《大乘玄論》、《二諦義》，係以日版《大正新脩大藏經》為底本，再對勘《卍續藏》，並參考《肇論》、《大涅槃經》、《大智度論》、《法華玄義》、《梁高僧傳》，異同並比，互補遺闕。

三．上舉各論所據以為底本之《大正新脩大藏經》，其字體或為異體字，為配合現代電腦排版之印刷字體，在不害字義之原則下，直接將文中若干字改為現代通行字，而不加校勘說明。

四．論中有文字訛誤而無他版藏經可校對者，若經確定純屬傳刻之訛誤，則依前後文意加以改訂，並作注解說明。

五．上舉各論之整編採取新式標點與分段，將全書之文意標示清晰。文中所用之符

號計有：「，，；。．．：！？」「『』《》〈〉」等十二種。

六．注解中所提及之「卅續本」係指日版《卅續藏經》，「大正本」指《大正新脩大藏經》，「大谷大學本」指寶永六年刊《大谷大學藏本》。

七．論中特殊之佛學術語、艱澀詞句等，均根據各類辭書加以注解。

八．上舉各論之校勘、注解以卷為單位。文中注解號碼列於所注（或校勘）名詞或字之下。同一校勘字，若於同一卷出現多處者，則僅在初次出現時作注解，並於其注解之上冠一「＊」記號，其餘各字不再累篇贅注，僅於該字右上角標上「＊」，表示同前。

九．全書採用雙頁注，凡有校勘、注解，在同一面就可以找到。

一〇．於《般若藏》之後，附有全部《般若藏》之索引一冊，其內容收錄人名、地名、物名、經名、術語、法數等等。

目錄

一・星雲大師序	一
二・凡例	一
三・三論玄義題解	一
三論玄義（一卷）	七
隋吉藏撰	
四・大乘玄論題解	六五
大乘玄論（五卷）	六九
隋吉藏撰	
卷一	六九
卷二	一三

卷三		一五五
卷四		二一三
卷五		二七九
五・二諦義題解		三三七
二諦義（三卷）		三四一
	隋吉藏撰	
卷上		三四一
卷中		四〇一
卷下		四五五

三論玄義題解

一、名稱

《三論玄義》，略稱《三論玄》。以概述三論宗所依之《中論》、《百論》、《十二門論》等三論之大義，故名。

二、作者

吉藏，又稱安吉藏、胡吉藏。隋代僧。金陵人，俗姓安，名貫。七歲（一說十三歲）即投法朗之門，徹研大小二乘之玄旨。三十三歲，止住浙江會稽之嘉祥寺，大闡三論，一時從者甚衆。著《大品經義疏》、《中觀論疏》、《百論疏》、《十二門論疏》、《大乘玄論》、《二諦義》、《三論玄義》、《法華玄論》、《法華義疏》等數十部，集三論宗之大成，使此宗得入黃金時代（581—623）。後世稱師爲「嘉祥大師」。


開皇十七年（597），師與天台智顗有文字往來。隋大業二年（606），煬帝下詔置四道場，師奉敕居於江蘇揚州之慧日道場。後遷至長安日嚴寺，振道於中原。此外，並於各地講述諸經，以興隆三論爲宗，故世稱三論宗再興之祖。師曾與當時著名之三國論師僧粲辯論，應對如流，雙方徵問往還四十餘次，師最後取勝，聲譽隆顯一時。

唐武德元年（618），高祖在長安選拔十大德以統領僧衆，師亦在其列。此外，並應實際、定水二寺之請，兼務寺事。後移居延興寺。武德六年入寂，世壽七十五。師生平講說三論一百餘遍，《法華經》三百餘遍，《大品經》、《華嚴經》、《維摩經》、《大智度論》等各數十遍。門下俊才以慧朗、慧灌、智凱等最有名。


三、內容

本書全一卷。乃三論宗最簡明之綱要書，亦爲了解龍樹中觀思想之入門書。內容總分爲二，即通序大歸、別釋衆品二門。初門復分破邪、顯正二章：破邪之下有摧外道、折毗曇、排成實、呵大執，顯正之下有明人正、顯法正。別釋衆品中，初明經論

相資、經論絞絡（即經論之關係），次述諸部通別、衆論立名及其旨歸，末則就三論敷演宗要。全書即駁斥外道、大小乘佛教之迷執，而顯揚三論宗「諸法性空」與「非有非空」之中道之理。此外，本書列舉三論共通之點八項及其個別之特色，如《百論》以破外教爲主，《中論》講大小二乘，《十二門論》則破大乘之迷而顯正教。其分科大綱如左：



二 別釋眾品



四、現存

本書今收錄於日版《卍續藏經》第七十三冊、《大正新脩大藏經》第四十五冊、《大谷大學藏本》及日譯《國譯一切經》。

三論玄義

慧日道場沙門吉藏奉命撰

總序宗要，開爲二門：一、通序大歸；二、別釋衆品。初門有二：一、破邪；二、顯正。

夫適化無方，陶誘非一，考聖心，以息患爲主；統教意，以通理爲宗。但九十六術，栖火宅爲淨道；五百異部，縈見網爲泥洹，遂使鹿苑坵墟，鷲山荊棘。善逝以之流慟，薩埵所以大悲，四依爲此而興，三論由斯而作。但論雖有三，義唯二轍：一曰顯正，二曰破邪。破邪則下拯沈淪，顯正則上弘大法，故振領提綱，理唯斯二也。但邪謬紛綸，難可備序，三論所斥，略辨四宗：一、摧外道；二、折毘曇；三、排成實；四、呵大執。

問：以何義故，遍斥衆師？

答：論主究其原，盡其理也。一源不究，則戲論不滅；毫理不盡，則至道不彰。以無源不究，群異乃息；無理不盡，玄道始通。是以斯文遍排衆計。

問：既無法不究，無言不盡，應遍排群異，何故但斥四宗耶？

答：初一爲外，後三爲內，內外並收。毘曇明有，成實辨空，空有俱攝，斯二爲小，方等稱大，大小該羅，略洗四迷，則紛累都盡耳。

問：此之四執，優降云何？

答：外道不達二空，橫存人法；毘曇已得無我，而執法有性；跋摩具辨二空，而照猶未盡；大乘乃言究竟，但封執成迷。自淺至深，四宗階級。

問：外道邪言，可得稱破，餘爲內教，何得亦破？

答：總談破顯，凡有四門：一、破不收；二、收不破；三、亦破亦收；四、不破不收。言不會道，破而不收；說必契理，收而不破；學教起迷，亦破亦收，破其能迷之情，收取所惑之教；諸法實相，言忘慮絕，實無可破，亦無可收。泯上三門，歸乎一相，照斯四句，破立皎然^①。

所言摧外道者，夫至妙虛通，目之爲道，心遊道外，故名外道。外道多端，略陳其二：一、天竺異執；二、震旦衆師。總論西域九十六術，別序宗要，則四執盛行：一、計邪因邪果；二、執無因有果；三、立有因無果；四、辨無因無果。